



**Bosna i Hercegovina  
Federacija Bosne i Hercegovine  
Srednjobosanski kanton/Kanton Središnja Bosna  
Kantonalno tužilaštvo Srednjobosanskog  
kantona/Kantonalno tužiteljstvo Središnja Bosna  
Travnik**

---

**Broj: T06 0 KT 0037325 25**  
Travnik, 19.11.2025.godine

OPĆINSKOM SUDU BUGOJNO  
sudiji za prethodno saslušanje  
B U G O J N O

Na osnovu člana 45. stav 1. i 2. tačka h), člana 241. stav 1. i 350. Zakona o krivičnom postupku Federacije Bosne i Hercegovine (ZKP F BiH), podižem,

### OPTUŽNICU

**Potvrđena dana 19.05.2026. godine.**

Protiv :

1. A.Đ.

2. H.Dž.

*Zbog postojanja osnovane sumnje da su:*

Dana 05.01.2025.godine oko 12,05 sati u Gornja kula, općina Bugojno, krećući se lokalnim putem, upravljajući A. Đ. pmv Opel Zafira reg oznaka MA532CD, iz smjera Gornje Kule prema Donjoj Kuli, a Dž. H. pmv Opel Corsa reg. oznaka K68-M-396, iz smjera Donja Kula prema Gornjoj Kuli, u kom vozilu se kao suvozač nalazila oštećena Dž. R., postupili suprotno odredbi člana 55. stav 1. i 4. i člana 43. stav 1. Zakona o osnovama bezbjednosti saobraćaja na putevima u BiH, krećući se prilikom mimoilaženja bez da su sa svoje lijeve strane ostavili dovoljno rastojanja između vozila kojim upravljaju i vozila pomjerali ka desnoj ivici kolovoza, te bez da su zbog nedovoljne širine kolovoza vozila zaustavila prije ostvarivanja kontakta, te po potrebi kojem je to vozaču pogodnije, kretanjem unazad ili na drugi način pomjeranjem vozila zauzeli položaj na putu koji omogućava bezbjedno mimoilaženje pri tome vozeći neprilagođenom brzinom kretanja osobinama i stanju ceste koja je bila dodatno sužena snijegom, vidljivosti, preglednosti i zimskim uvjetima, i to A. Đ. upravljajući vozilom brzinom od 51 km/h umjesto prilagođene brzine od 28,1 km/h, a Dž. H. upravljajući vozilom brzinom od 43 km/h umjesto prilagođene brzine od 31 km/h, svjesni da se kreću putem koji je nedovoljne širine za dvosmjerni saobraćaj, a zbog očišćenog snijega na rubovima dodano sužen i da takvom vožnjom mogu ugroziti javni promet i dovesti u opasnost živote ljudi, ali su olako držali da do toga neće doći ili da će to moći spriječiti ili izbjeći, uslijed čega je došlo do kontakta vozila njihovim prednjim lijevim dijelovima, kojom prilikom je oštećena Dž. R. uslijed sudara dva vozila zadobila

teške tjelesne ozljede u vidu prijeloma platoa goljenične kosti lijevo, zglobnog prijeloma donjeg okrajka žbice ( palačne kosti) lijevo, nagnječenje koljenog zgloba lijevo, nagnječenje grudnog koša u predjelu grudne kosti, nagnječenje poglavine čeone regije, krvni podlivi čeone regije i tjemene regije glave, vrtoglavicu i trzajnu povredu vrata.

Dakle, iz nehata, nepridržavanjem saobraćajnih propisa ugrozili javni promet te su doveli u opasnost živote ljudi uslijed čega je jedno lice zadobilo teške tjelesne povrede

Čime da bi počinili krivično djelo „Teška krivična djela protiv sigurnosti javnog prometa“ iz člana 336. stav 3. u vezi sa članom 332. stav 3. KZ FBiH

KANTONALNA TUŽITELJICA

**Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom**